




Comune di Quartu Sant'Elena
Comunu de Quartu Sant'Aleni



MONUMENTUS DE QUARTU SANT'ALENI

Turri de Carcangiolas e fortinus



Sa turri de defensa spanniola de Quartu, fraigada in su 1591, fiat una turri chi serbiat po apubai a is nemigus chi ndi beniant de mari. Su nòmini de sa turri, *Cracanjolas* o *Karcanjolas*, incapas ndi benit de s'erba chi fait a fundixeddu piticu (de sa genia Romulea), chi s'agatat meda in custu logu. Oindii sa Turri fait a dda biri acanta de mari, unu pagu sciusciada.

In Quartu s'agatant unus cantu struturas militaris de sa Segunda gherra mundiali, comentis is baterias de ls Mortorius e de Capitana, e is àteras struturas in sa costera, ca de is annus '40 iant cumentzau a ndi pesai in totu s'ìsula assumancu 1500 postatzionis militaris permanentis chi, paris cun is baterias militaris antiaèreas e antinavis, depiant defensai s'ìsula. S'Esèrtzitu règiu italianu, iat fraigau a est e a ovest de Casteddu, de Quartu Sant'Aleni a Cabuderra, s' "Arcu de Cuntenimentu", unu sistema de òperas militaris de ciumentu armau e baterias de artillieria, chi po cunfundi su nemigu fiant cuadas cun abilesa in su territòriu. Su "caposaldo 19" de Carcangiolas faiat parti de custa linia de defensa e ddoi fiat finas una turri de avistamentu cun mitrallias e àteras armas.